



Broj: 02-04-3-2612/23
Goražde, 05.09.2023.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22) u postupku javne nabavke – otvoreni postupak za izvođenje radova na rekonstrukciji potisnog cjevovoda – III faza, Gradonačelnik Grada Goražda donosi:

O D L U K U

o prihvatanju ponude ponuđača „Okac” d.o.o. Goražde za izvođenje radova na rekonstrukciji potisnog cjevovoda – III faza

I

Ovom Odlukom se nakon provedene tenderske procedure za izvođenje radova na rekonstrukciji potisnog cjevovoda – III faza, prihvata ponuda ponuđača „Okac” d.o.o. Goražde sa cijenom ponude u iznosu od 121.789,00 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, Grad Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45., dokaz o ispunjavanju uslova iz člana 47. Zakona o javnim nabavkama, kao i original ili ovjerenu fotokopiju važeće licence o pravu obavljanja predmetnih radova. Ukoliko ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

O b r a z l o ž e n j e

Gradonačelnik Grada Goražda je dana 19.07.2023. godine donio Posebnu odluku o pokretanju postupka javne nabavke radova na rekonstrukciji potisnog cjevovoda – III faza broj 02-04-3-1370-7/23 putem otvorenog postupka.

Na osnovu navedene odluke objavljeno je Obavještenje o javnoj nabavci na portalu javnih nabavki dana 20.07.2023. godine, sažetak Obavještenja o nabavci objavljen je u Službenom glasniku BiH broj 52/23.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 10.08.2023. godine.

Komisija za provođenje procedure javne nabavke imenovana gore pomenutom Odlukom Gradonačelnika Grada Goražda dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za izvođenje radova na rekonstrukciji potisnog cjevovoda – III faza dostavljene ponude od strane ponuđača „Hydra“ d.o.o. Sarajevo i „Okac“ d.o.o. Goražde,
- da dostavljene ponude ponuđača „Hydra“ d.o.o. Sarajevo i „Okac“ d.o.o. Goražde ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača,
- da je dana 24.08.2023. godine održana e-aukcija, te da je nakon održane e-aukcije ponuda ponuđača „Okac“ d.o.o. Goražde prvorangirana na konačnoj rang listi ponuđača koji su učestvovali u e-aukciji,
- da je ponuda ponuđača „Okac“ d.o.o. Goražda sa cijenom ponude u iznosu od 121.789,00 KM bez uračunatog PDV-a prema kriteriju „najniža cijena“ ocjenjena kao najpovoljnija za ugovorni organ

Komisija za provođenje postupka javne nabavke za izvođenje radova na rekonstrukciji potisnog cjevovoda – III faza, predložila je Gradonačelniku Grada Goražda donošenje Odluke o prihvatanju ponude ponuđača „Okac“ d.o.o. Goražde za izvođenje radova na rekonstrukciji potisnog cjevovoda –III faza budući da je ponuda navedenog ponuđača na osnovu provedene procedure, ocjenjena kao najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Akt sačinila

Elvira Tirović, dipl. pravnik

DOSTAVITI:

1. Ponuđačima ,
2. u spis,
3. a/a

GRADONAČELNIK

ERNEST IMAMOVIĆ